

宜陽縣志
卷一

地150.305

34

3124

卷一

宜陽縣志序



志胡為而修也踵而增之臣衆
其所取義修者之志也宜陽為
邑其時則典載所延諸君子得
臣識其大者其取義則有能慎
聳痺端風教本詩書禮樂之際
意在斯乎

國家統一海宇災臨無外絕域遐陬
按籍如指諸掌矧宜陽密迹風
施蒸之向化寧是僅存文獻云
哉仰觀俯察疆理攸分星躔順
正不遠明威由唐虞其所以來

繫于周卜年八百自漢分領并
隸不常所治其在于今有截其
所自

天子命有司庶長受至迭承鄉舉里
選明經射策之制隆焉郊垌原
田無穀不生百產既庶桑土亦

周序

二

蠶戶登則田治賦平則產息三
者相成即訪甘棠而思政教之
原問平泉而嗟木石之異何必
不有此樂乎且禮從其俗由之
平易我無呂淵其身而唯其俗
之咎夫安見固陋而性成况相

勸臣超義忠臣所期有激而累
親孝子必慎卓行暨乎閭幃節
槩徵于吏治士生其間才能各
有所長揆英擣藻郁々彬彬蓋
其懋矣作者擇言尤雅于人呻
蓋獨詳焉予有志焉而未遠鄉

賢士大夫相與並成之屬之覽
者取義具在神而明之進而益
善則有能慎聲瘳端風教本詩
書禮樂之際意在斯乎乾隆丁
卯年孟夏月知宜陽縣事昌平

周洵撰

周序



四

續修邑志序

邑之有志猶國之有史史乃古
今一大帳簿志亦天地一小冊
頁鑒往詔未典甚重我宜故有
志越唐宋元明其文荒略未及
遠攬也迨我 本朝而經增修

楚序

先輯於順治己亥繼成於康熙
辛未至今數十年間叠見錯出
種々宜紀者不一而足曩歲在
甲子

藩憲趙公加意墳典遍喻守令續
修志書將以宣揚文教黼黻太

平誠令舉也前令王公不揆
士才短學踈輒下訪以斯役相
屬士固辭不獲乃勉強應命未
幾趙藩憲內遷五公調用
歷曾公迄新任

周公諱洵以進士膺

楚序

二

簡命涖任茲土恪恭厥事士從諸君
後搜羅採擇不敢自怠如天有
分野地有疆域山川之流峙道
里之廣袤城垣基布村舍星羅
其不友者悉仍其舊至學宮乃
興賢育才其改建也務協陰陽

向背之宜社倉乃儲畜積貯其
設立也有裨國計民生之大例
定五百里內漕解本色免水次
採買之煩五百里外米折漕銀
恤宜民輓運之苦善政多端著
為令典又如膺民牧者撫字勤

楚序

三

勞政成而三年報最光文治者
鄉會兩科經明而論秀書升此
五十年來吏治科名彪炳可紀
者也况名教細常何論乎古今
上下忠孝節義無分於貴賤賢
愚蘭吐空山之秀珠發長夜之

光標遺行於烟銷爨冷步芳躅
於山高水長此五十年來人心
風俗卓犖可記者也而詩賦文
藝古人含英咀華而出者又可
搜剔於斷簡殘編使逸韻常流
舊譜如新而思令其利為於璧

楚序

四

魚秦灰也哉此士
等奉命惟謹
以仰答各

上憲公祖與父母斯民者屬望之
至意也帙垂成 周公曰

府憲繫公

藩憲王公

撫憲大人碩厯加鑒定將付剖劄士
撫卷慨然回書無大小期於徵
信志固一邑之乘輿亦即一世
之權衡銖兩輕重信於世者先
求信心大抵水平則不傾語平
則不欹器虛則能應心虛則能

楚序

五

公是必有不言之喻不謀而合
者方能克勦斯任士等果可以
自信乎爰據所聞所見以充太
倉之一粟云爾
肯

乾隆十二年歲在丁卯十月之吉邑

後學己酉科乙卯科湖北山東
同考試官甲辰科舉人棟遜知
縣楚元士謹識

楚序

上



重修邑志序



道二出處已矣出則拾遺補缺
採四方事入告明廷臣子分也
處則稽往俟來徵一鄉事存之
故實處士義也前後遞承鄉國
遞積志一邑因志世局之治而

周序

亂亂而治雖一日亦千古雖一
邑亦天下也不綦重哉有明之
修宜邑志者屢矣兵燹後而維
桑典故概付秦灰焉

國朝雖兩修而及今五十餘載
聖天子德化彌洽文教誕敷宜雖最

爾巖邑亦未嘗乏公正廉明之
長吏品行卓越之士民也使文
獻無徵記載弗備其何以對揚
丕烈光昭

聖治哉此志之所當續修而學士薦
紳家所不容已也慨余年甫弱

周序

二

冠從先大人鞅掌王事皇華越
國足跡幾半天下凡得圖籍有
裨於志者必心存之及司訓旋
里歲月遷延蓋數十年而未克
任斯役亦數十年而未敢稍釋
諸懷也乙丑之歲 西蜀王公

奉

憲檄重修邑志業與吾黨有成議
矣而

金陵周公膺

特調至宜以明作之才勵潔清之治
政修人和百廢俱舉故於政治

周序

三

之暇惓惓斯役按吾輩之編摩
而修飾潤色俾成大觀余見其
事惟存實語不溢文如時政利
病因革有關國計民生者則必
詳如疆域星野山川古蹟邱墓
故志所遺及昔存而今廢則必

書如名宦鄉賢諸人品故所沉
冥失收抑在後進者非輿論僉
諧則不登如典禮始末訛舛莫
正寺觀故址沒於草莽者則必
叅覈備紀藝文非雅馴及有關
風教者則不錄凡若此者綱舉

目張條分縷析井井秩秩郁郁
彬彬一代之令典數百年之故
實一展卷而炳如也燦如也昭
聖化之廣被恢 憲典以奠封可以
言作亦可以言述可以言志亦
可以言史一日也而千古一邑

也而天下矣從此而吾黨立德
立功立言者有所仰止而接軫
頰臨者當下車初首披茲志如
某某慈仁廉謹去思晶晶今豈
異昔何以紹之某某文行忠節
孤懸皎皎今豈乏人何以培之

利孰當興如志中某利某興然
今將安興不至擾及鷄豚弊孰
當革如志中某弊某革然今將
安革不至受搖左右因時損益
之得其所爲志卽得其所爲政
矣吾輩權非袞鉞職存掌故司

馬子長所謂整齊故事以俟後
之君子者庶在茲乎

皆

乾隆十二年丁卯孟秋中浣日

邑人原任舞陽縣儒學訓導周

榮撰

周序

六

